



PAulus Selestadij in Alfatia natus, à pueris operam literis dedit, atq; primis fundamētis iactis ad academiam Basiliensem sese cōtulit. In ea in primis Theologico studio incubuit, atq; Historiarum lectionem magna diligētia adiecit. Itaq; factum ut ibidem 1513 sacrarum literarum Doctor cōstitueretur. Cum etiam postea 1529 Euangelij doctrina Basileæ innotesceret, Paulus Ecclesiæ S. Petri primus Euangelicus Pastor electus fuit. Eam uocationem is singulari diligētia perfecit, atq; peccatis ostensis Christum ueram salutis uiam declarauit. Vt etiam ingenij sui monumenta relinqueret, Chronicon regum regnorumq; omniū Catalogum, & perpetuū

ab exordio mundi temporum seculorumq; seriem complectens, ex optimis quibusq; Hæbræis, Græcis, & Latinis authoribus congestum, Basileæ edidit. Pari studio quoq; in Micheam Prophetam, in Exodum & Leuiticum cōmentaria scripsit, & multa mysteria explanauit.